

## Rezumu di Planu di Distribuison di HOME – ARP

Sidadi di Boston resebi **\$21,6 milyon** en fundus di Programa di Parseria pa Investimentu pa Abitason (HOME Investment Partnership Program) – Planu dy Resgati Amerikanu (American Rescue Plan, HOME-ARP) destinadu pa aumenta stabilitadi abitasonal, ta ausilia individus, famílias ô otus populason vulneravel ki stá sen-tetu ô en risku di fika sen-tetu.

Kes fundu di HOME-ARP ta devi ser gastu até setenbru di 2030 i es podi ser uzadu pa arendamentu di moradias ku presus asesivel, asisténsia na arendamentu pa inkilinus, servisus di apoiu i pa kunpra ô dezvoltu abrigus separadu. Até 15 pur sentu podi ser uzadu pa administrason i planiamentu. I, até 5 pur sentu di subsidiu podi ser uzadu pa kustus operasional i kapasitason pa organizason sen fins lukrativu, sima fornecedoris di servisus pa algén sen-tetu.

Kes fundu di HOME-ARP devi ser uzadu pa benefisia kes populason kualifikadu (QPs):

1. Sen-tetu,
2. en risku di fika sen-tetu,
3. ta fuji ô ta tenta fuji di violénsia doméstika, violénsia na namoru, agreson seksual, persigison ô tráfico di seris umanu;
4. parti di otus populason na undi prestason di servisus di apoiu ô asisténsia ta inpediba un família di fika sen-tetu ô ta serviba kes ki stá ta kori grandi risku di fika sen-tetu; ô
5. Veteranus i famílias ki ta inklui un menbru di família Veteranu.

Kes rekizitu konpletu pa programa HOME-ARP stá disponivel na [HUD Exchange](#).

MOH realiza un konjuntu di reunion i grupus fokal pa konprende kes nesesidadi atual di kes populason kualifikadu pa finansiamentu HOME-ARP; en partikular, kes ki pasa pa situason di sen-tetu ô stá en risku di fika sen-tetu.

Ku bazi na es konsulta i informason di peskiza, nesesidadi mas urjenti entri kes Populason Kualifikadu na Boston é di abitason seguru, asesivel i sustentavel, spesialmenti, pa kes 3.945 rezidenti di Boston ki ka ten un lugar pa txoma di lar.

## Rezumu di Planu di Distribuison di HOME – ARP

Alen di kel li, 30% di famílias inkilinus di Boston stá severamenti sobrekaregadu ku kustus di abitason, ta paga mas di 50% di ses rendimentu pa arendamentu, i ten listas konpridu di spera pa moradias públiku i unidadi subsidiadu. Konsultas ku organizason ki ta presta servisus pa kes Populason Kualifikadu ta pidi kes fundu di HOME-ARP tanbe pa apoia buska di moradia i servisus di apoia pa djuda pesoas enkontra kaza i permanesi alojadu di forma stavel. Konsiderandu es nesesidadis, Gabeti di Prezidenti pa Abitason (Mayor's Office of Housing - MOH) ta propoi dedika 74 pur sentu du fundus pa kriason di arendamentus asesivel, na forma di abitason permanenti; 14 pur sentu di fundus di subsidiu stá ta bai ser rezervadu pa servisus di apoia, 12 pur sentu pa kapasitason sen fins lukrativus, administrason i planiamento di MOH.

<b>Orsamentu Propostu di HOME-ARP (Agostu di 2022)</b>			
<b>Atividadis Elejivel</b>	<b>Valor di Finansiamentu</b>	<b>% di Fundu</b>	<b>Nível Servisus</b>
Servisus di Apoia	\$3,000,000	13.9%	Pa ser desididu
Akizison i Dezenvolvimentu di abrigus separadu	\$0	0%	N/D <small>(Naun disponivel)</small>
Asisténsia na renda pa inkilinu (TBRA)	\$7,000,000	32.4%	Pa ser desididu
Dezenvolvimentu di Abitason pa Renda Asesivel	\$9,000,000	41.7%	200 Nonus Unidadi
Operason Sen Fins Lukrativu	\$0	0%	N/D
Dezenvolvimentu di Kapasitason Sen Fins Lukrativu	\$1,000,000	4.6%	
Administrason i Planiamentu	\$ 1,597,797	7.4%	
<b>Distribuison Total di HOME ARP</b>	<b>\$ 21,597,797</b>		